

(钦定)平定七省方略

北京中国书店印行



欽定平定陝甘新疆回匪方略卷二百三十三 庚午年

十一月二十三日 甲寅 劉銘傳奏言查陝西與甘

境接壤之處甘回竄陝或由慶陽甯州以達乾

耀或由定靖以入北山或由秦州靖遠以擾汧

隴道路紛歧非分防扼要不足以遏賊竄已於

十三日派令記名提督劉盛休王德成等馬步

十四營進駐乾州記名提督吳宏洛總兵張佩

芝等馬步各營駐紮耀州以防中路復商撫臣
蔣志章派令記名提督譚仁芳所部七營移紮
鳳翔會合李輝武一軍以防南路擬調記名提
督唐定奎所統周口武毅軍十五營作速來陝
由韓城宜川以入北山進駐靖定專防北路惟
昨據唐定奎函稱於本月初十日內外始能接
收武毅各營隊伍將弁旣多更換勇丁亦須挑

補一時尙難定期拔隊當飭其趕緊整頓務於
年內到陝以便進兵防剿 臣卽於十八日督率
親軍礮營移紮乾州其後路一切糧餉轉運俱
交前任甘肅藩司林之望督同各委員籌辦接
濟以期妥慎奏入得

旨著卽督飭各隊認真防堵毋稍疏懈北山伏莽尙多
並著派得力隊伍實力梭剿纏金一帶仍遵前旨派

勇前往扼要以厚兵力

二十四日^卯乙前任科布多參贊大臣奎昌科布

多幫辦大臣文碩奏言本月十八日接據福濟等飛咨以軍情益緊賊蹤愈近錦丕勒多爾濟剋日起程帶兵迎勦飛調科布多換防綠旗兵百名前往協同防守臣等一面撥兵派把總吳雲等管帶自二十日分起進發並函商該將軍

等奏請

飭調直隸宣化山西大同二鎮兵各二千名赴烏防剿
以及酌擬暫開捐輸籌辦糧餉各事宜飛遞去
後茲據福濟等來信云錦丕勒多爾濟已於十
七日督兵起程擇要堵禦賊已行抵第三臺事
甚危急火速催兵前進又疊據探報十月十八
日賊撲至烏里雅蘇台地方各臺站潰散十九

日與官兵接仗賊以火器焚燬木城是烏城情形緊急相應懇

恩飭下綏遠城將軍察哈爾都統哈密巴里坤各大臣

及棍噶札拉叅等務卽星夜撥兵赴援至科布

多街市商民不無惶惑

臣

等已曉諭開導一面

督兵操練巡防催調赴近之杜爾伯特明阿特額魯特盟長總管等刻卽發兵來城聽候調遣

其餘各屬亦令派兵分別防守一俟兵力稍集
探得烏城實在情形臣文碩擬酌帶綠營蒙古
官兵東行援剿以遏賊氛而資協助奏入

上命軍機大臣傳諭奎昌文碩曰前因賊匪竄撲烏城
疊經調派察哈爾馬隊一千二百五十名吉林黑龍
江馬隊各一千名令杜嘎爾統帶赴烏助剿並調宣
化大同兩鎮官兵各一千名赴庫倫防守嗣據張廷

岳福濟等先後奏報賊於十月十九日攻陷烏城二十三日旋即退去該逆尙在距烏城西南四五臺雜普汗河地方盤踞業已催令所調各軍星速前進此時賊既竄走科屬所屬臺站著奎昌等趕緊設復以通文報烏城被賊焚掠一空福濟等重新整頓需兵彈壓內地援軍遠道遄征轉運等事均須節節部署恐未能剋期抵烏奎昌等所派吳雲等帶兵百名赴

烏仍著飭令前往聽候福濟等差遣棍噶札拉叅駐
紫何處現如尙未到烏著奎昌等飭令迅速前進文
碩應否帶兵東行援應之處著咨商福濟等斟酌情
形辦理科城防務亦關緊要奎昌文碩務當督飭官
兵認真操練加意巡防以固邊圉

二十六日丁巳左宗棠穆圖善奏言九月二十五

日賊匪由涼州直竄鎮番先經署知縣續增遊

擊韓廷芝率同兵團登陴固守相機擊剿斃賊
多名城圍雖解賊仍竄入東鄉肆行焚掠十月
初九日署涼州鎮總兵王仁和派撥馬步六營
趕到卽會合原駐鎮番之營兵迎剿賊卽退竄
初十日我兵以大礮轟擊斃賊甚多遂全數西
竄永昌地界鎮番闔境肅清王仁和卽督率涼
標四營並涼州滿營官兵暨親兵獵勇一千餘

名馳往永昌埠一帶並催調赴援鎮番各隊及
駐紮土門之統領馬隊官軍相機會剿皋蘭縣
屬北鄉水埠河地方時有零匪搶劫經鄉團劉
宗緒等督勇進剿疊有斬擒碾伯縣北鄉下川
口地方又竄出賊匪百餘名攔搶馱運官糧並
商民貨物駝隻經遊擊陳德懷帶兵剿捕臣穆
圖善派副都統穆克德布酌帶馬隊馳進至平

番苦水地方該處鄉團亦出隊攔截當將貨物駝隻全數奪回斃賊十餘名餘匪越山而逸省東峒差峴亦有賊匪數百名竄擾副將趙謙士親率隊伍由寺兒溝直逼峒差峴賊猝聞兵至紛紛鼠竄趙謙士率隊追至燒炭溝斃賊多名餘賊翻山落澗而逃現在節交冬至冰橋凝結處處可通惟有嚴飭各隘防兵各路鄉團勤加

偵探聞警卽行兜剿以免擾害至由鎮番奔赴永昌之匪仍飭總兵王仁和認真追捕務期剗除淨盡毋使蔓延如果兵力不敷再由臣等設法添調援應

左宗棠豫師奏言查西甯地處偏隅全倚碾伯平番兩邑爲米拉三溝門戶而甯境回族又以由米拉溝竄來外匪爲名藉端滋擾竄匪一日

不絕甯境一日不安惟平碾二縣相距二百四十餘里叢山密林一望榛莽旁通米拉溝隘口十餘處賊匪出沒靡常若不妥籌堵截不但餉糧軍裝轉運艱阻且恐河州窮寇皆以米拉三溝爲出路於西事大有關礙臣左宗棠查有現辦營屯局西甯鎮總兵黃武賢久在甯郡情形熟習可資得力因會商豫師派令先行馳往威

遠堡統帶唐有彥懷義三營並將懷義營改爲靖西中左右三營以期整頓飭令就近隨同臣豫師相機布置再查西甯回族近來頗形斂迹其米拉溝窩藏陝回一萬餘衆聞官軍聯絡布置各隘已於九月間分股竄赴甘涼一路而去是以西碾近日尙無竄擾情事惟賊情狡詐已嚴飭駐防各軍小心布置相機截剿均奏入